

Cyngor Cymuned Llanystumdwy

Rhaglen waith y Cyngor - nos Iau, 8fed o Fehefin 2023 yn brydlon am 7:00 y.h. yn Neuadd Llanystumdwy, a drwy Zoom (gellir cael mynediad i'r cyfarfod drwy gysylltu ar ebost hefo'r Clerc.

1. Ymddiheuriadau.
2. Croesawu'r Cynghorydd Euros Jones yn aelod newydd ar Ward Llangybi.
3. Cyflwyno a chadarnhau cofnodion cyfarfod y Cyngor gynhaliwyd ar 4ydd o Fai 2023.
4. Llofnodi cadarnhâd taliadau BACS Mai 2023 -
5. **Datgan buddiant personol.**
6. **Materion gan Cyngor Gwynedd**

Rhaglen Waith Trafnidiaeth a Priffyrdd mis Mehefin 2023

Lleoliad Gwaith	Disgrifiad o'r Gwaith	Gwasanaeth
Llanystumdwy	Tîm Tacluso – Ardal Ni 26/06/2023 – 30/06/2023	Priffyrdd

'Arwisgo' - yn dilyn ein cyfarfod diwethaf derbyniodd y Clerc eglurhad am beth yw ystyr gwaith 'arwisgo' ar y lon- sef 'surface dressing'. Mae arwisgo mwy fel gosod 'tar a chippings' a'i fod yn cael ei wneud gan gweithlu'r Cyngor, mae ailwynebu yn cael ei wneud gan gcontractwyr - dim cerrig rhydd ar hwn.

7. Cyngor Gwynedd - ceisiadau cynllunio yn y gymuned

a) Cais cynllunio: Rhif Cais: C23/0380/41/LL - Ysgol Gynradd Chwilog - adeiladu estyniad ystafell ddosbarth modiwlaid unllawr.

b) Cais cynllunio: rhif cais C23/0387/41/LL - Ysgol Treferthyr, Cricieth, - gosod 5 pwmp gwresogi ffynhonell aer oddi fewn i gompownd ffens bren i'r gogledd o adeilad yr ysgol.

8. Addurno ffyrdd ar gyfer Eisteddfod Llyn ac Eifionydd 2023

Er mwyn cynorthwyo cymunedau sydd yn awyddus i addurno'n ffyrdd dros wyl yr Eisteddfod eleni, drwy osod baneri, arwyddion, cafnau neu botiau blodau ac ati ar ddarnau o'r briffordd, mae Cyngor Gwynedd yn fodlon i'r cymunedau gydweithio gyda'i gilydd a chyflwyno un ffurflen ac un cynllun sydd yn amlygu pa eitemau sydd yn cael eu gosod ym mhle. Maent wedi anfon copi o'r ffurflen gais atom a gellir cyflwyno cais fesul Cyngor neu fwy nag un Cyngor.

Bydd angen cyflwyno'r wybodaeth erbyn diwedd mis Mehefin 2023.

Mae Cyngor Gwynedd hefyd yn fodlon ariannu un polisi yswiriant atebolrwydd ar gyfer yr holl leoliadau sydd wedi ei gytuno oddi fewn i'r cynlluniau, felly ni fydd angen poeni am yr elfen yma. Bydd angen anfon y wybodaeth at Ceri Hughes Thomas, Rheolwr Parcio a Gwaith Stryd, Adran Amgylchedd, Cyngor Gwynedd.

9. Llyfr Coffa - Gardd Tangnefedd

Mae Llyfr Coffa yn cael ei baratoi i nodi yr enwau a phentrefi trigolion o Wynedd a fu farw oherwydd Covid 19 a bydd rhain yn cael eu casglu gan Eglwys y Drindod Penrhyndeudraeth. Bydd y llyfr yn cynnwys yr enw bedydd a'r cyfenw yn unig a chartref olaf yng Ngwynedd i'r ymadawedig. Mae yr Ardd Dawel yng nghefn yr Eglwys yn gyflwynedig i'r rhai hynny a gollodd eu bywydau yn ystod y pandemig ac mae croeso i chwi wneud ymholiadau ynglŷn â chynnwys gwybodaeth yn y Llyfr Coffa.

10. Cynllun Peilot Dwyfor

Y Clerc wedi anfon ebost yn dangos diweddariad am brif agweddau y mae Catrin Huws, Grwp Cynefin wedi edrych arno ers ei gwaith ymgynghori hefo Cynghorau Tref a Chymuned cyn y Nadolig. Maent yn cynnig sesiwn wybodaeth ynglŷn â'r Cynllun Prynu Cartref Gwynedd ble mae cyfle i ofyn cwestiynau.

Maent eisiau holi os oes gan rywun yn y gymuned ddiddordeb mewn tai o dan arweiniad y gymuned, (gall hyn olygu bod y gymuned yn perchnogi eiddo gwag gan ddod a fo yn ôl i ddefnydd ar gyfer person lleol yn y gymuned, neu ddatblygu tai o'r newydd). Maent hefyd wedi anfon holiadur i'w gwblhau erbyn 07.07.2023.

11. Cynhadledd Arfer Arloesol Un Llais Cymru - gwynebu Heriau'r Dyfodol

Mae Un Llais Cymru yn cynnal ei Cynhadledd Arfer Arloesol ar Faes y Sioe Amaethyddol ar 5ed o Orffennaf 2023. Fe fydd detholiad o siaradwyr, gwybodaeth am raglenni gwaith perthnasol a gweithdai ar arfer arloesol.

12. **Rheolau Sefydlog Newydd 2023** derbyniwyd ebost gan Un Llais Cymru yn cynnwys diweddariad.

Materion yn y gymuned.

13. Llanystumdwy

- a) **Pont Llanystumdwy** - mae canclwm wedi dechrau tyfu yno eto, felly bydd angen trefnu i'w chwistrellu.

14. Rhoslan/Ynys

'Factory Covert'- pryder fod gweithgareddau, a llawer o bobl yn mynd yno i'r goedwig ar adegau fel dros wyl banc a cherddoriaeth uchel i'w glywed yno am oriau.

15. Chwilog

a) Problemau parcio yn Chwilog

Trafodwyd y mater yng Nghyfarfod Blynyddol Neuadd Goffa Chwilog ar 12 Mai 2023 pryd y penderfynwyd gofyn i Gyngor Cymuned Llanystumdwy gysylltu â Chyngor Gwynedd ynglŷn â'r posibilrwydd o gael defnyddio maes parcio'r ysgol ar adegau i barcio cerbydau rhai o ddefnyddwyr y neuadd. Angen cysylltu wedyn hefo Ysgrifennydd Pwyllgor y Neuadd.

b) Arwyddion Lôn Goed

Anfonwyd llythyr drwy ebost at yr Eisteddfod Genedlaethol yn egluro for Cyngor Gwynedd wedi gwrthod gosod arwyddion i ddynodi lleoliad y Lôn Goed, gan nodi nad oes lleoliadau parcio pwrpasol o gylch y Lôn Goed. Egurwyd ei bod yn bwysig codi

ymwybyddiaeth mynychwyr yr Eisteddfod o leoliad y Lôn Goed felly gofynwyd os byddai modd iddynt godi ymwybyddiaeth trwy ei gwefan neu drwy arwyddion ar dir preifat. Ni dderbyniwyd ateb ganddynt eto.

c) Garej Pandy

Cwyn fod llawer o draffig yn parcio o flaen y lle, a charafanau yn cael ei symud nol a blaen a allai achosi damwain.

Fe gysylltwyd hefo Cyngor Gwynedd beth amser nol, ac wrth edrych drwy'r cofnodion nodwyd yr isod ar 01.07.2021 a 07.10.2021:-

"10b) Garej Pandy - wedi derbyn cwynion ynglŷn â'r sefyllfa cerbydau yn parcio yno ymhob man ar ochr y lon, oherwydd ei bod yn ei gwneud yn beryglus i bobl sydd yn ymweld, cerdded/beicio a gyrru heibio'r safle. Mae prysurdeb mawr yno ac mae'n beryglus ar lon mor brysur. Angen i'r Clerc gysylltu hefo Cyngor Gwynedd."

Ni dderbyniwyd ymateb ysgrifenedig ganddynt, ac nid ydynt bob amser yn ateb, a weithiau maent yn gwneud y gwaith, neu beth bynnag sydd angen heb adael i ni wybod.

Mae gan y Clerc gof ei bod wedi siarad hefo Swyddog o'r Cyngor am y mater, ac fe ddywedodd rhywbeth fel ei fod yn anodd gwneud dim ynglŷn â'r safle, a'i bod nhw eisioes wedi codi'r mater hefo'r perchennog yn y gorffennol.

**16. Pencaenewydd/Sardis
Sbwriel ar ochr ffyrdd**

Cais yn gofyn am roi arwyddion 'dim ysbwriel' a biniau yn y gymuned.

O ran mannau gwaethaf, mae sbwriel yn casglu yn sydyn ar y lôn o Llangybi am Plas Du, hefyd am Llangybi o'r groesffordd, a'r lôn o Pencaenewydd am Trallwyn. Mae grwp cymunedol wedi bod yn casglu sbwriel o gwmpas Pencaenewydd yn ystod mis Mai.

Fe wnaeth y Clerc gysylltu hefo Norman Hughes, Tîm Tacluso Ardal Ni, ddechrau mis Mai, ac roeddent am gasglu sbwriel rhwng Chwilog a Pandy, a rhwng yr Hufenfa a Chwilog. Maent yn y broses o lanhau arwyddion y Cyngor yn Llanystumdwy a'r ardal cyn yr Eisteddfod, hefyd (llawer ohonynt wedi troi yn wyrdd dros amser).

17. Llangybi

- a) **Llwybrau cyhoeddus o gwmpas Garn Bentyrch** - cais gan Cynghorydd Rhys Tudur i ofyn wrth Cyngor Gwynedd drwsio'r camfeydd rhwng Fferm Fron Oleu, Pencaenewydd i Ffynnon Cybi. Y llwybrau yn rhan o Rwydwaith Llwybrau Treftadaeth Glennydd Llŷn.
- b) **Cae Chwarae** - yn dilyn derbyn adroddiad gan 'Fields in Trust' llynedd, a derbyn gwybodaeth gan y Cadeirydd, mae'r matiau du sydd yno angen sylw eto ac yn colli ei lliw ar esgidiau plant. Derbyniwyd pris gan G.L. Jones Playgrounds Ltd am £21,210.00 (cynnwys £3,535.00 o TAW), am godi'r hen deils ac ailwynebu'r 3 darn hefo 'wet-pour' du.

Fe wnaeth y Clerc holi tybed a oedd unrhyw fath o 'sealant' ar gael yn hytrach na gosod llawr newydd oherwydd y gost a dywedwyd mai yr unig ffordd i ddatrus y broblem yn iawn fyddai i godi y teils a gosod llawr 'wet-pour' yn ei lle. Roeddent yn dweud yn y gorffennol roeddent wedi llenwi y bylchau rhwng y teils gyda 'wet-pour a sealant', ond mewn dim mae symudiad y

teils yn achosi i'r bylchau ddod yn ol. Roeddent hefyd wedi ceisio codi'r teils, ei glanhau nhw, gadael iddynt sychu, a'i ailgludo nhw. Mae hyn yn proses hir a chostus a ddim llwyddianus pan mae eitemau yng nghanol y rwber e.e. cosau uned ddringo.

18. Llwybr cyhoeddus o'r ffordd fawr

Angen torri drain duon a mieri sydd ar y llwybr cyhoeddus sydd newydd gael ei ffensio i lawr o'r ffordd fawr yn Llanybi (ger Lleifior - mae plot o dir ar werth gerllaw), am Pont y Merched.

19. Glanhau llochesi bws - angen cytundeb newydd o Ebrill 2023 ymlaen - gwnaed un am 2 flynedd yn flaenorol tan 31.03.2023.

20. Materion Ariannol

Adroddiad Ariannol gan y Clerc a'r Swyddog Ariannol Cyfrifol.

Bydd y Clerc yn anfon ebost at y cynghorwyr i gyd cyn y cyfarfod, drwy gynnwys dogfen 'excel' o'r sefyllfa ariannol hyd at 31.05.2023. Mae hyn yn cadw golwg manwl ar y gwariant sydd eisioes wedi ei wneud.

21. Taliadau BACS angen cael ei gwneud yn dilyn y cyfarfod:

Enw/Rheswm	Rheswm	Pris £	TAW	Cyfanswm Taliad £	Taliad BACS £
Zurich Municipal	Yswiriant 01.06.23-31.05.24	<u>712.79</u>		<u>712.79</u>	<u>712.79</u>

22. Cyflog mis Mai 2023 y Clerc i'w rannu rhwng y Clerc a Chyllid a Thollau EM.

Enw/Rheswm	Swm £	Cyfanswm Taliad net £	Taliad BACS:- £
Cyflog sylfaenol y Clerc, Mai 2023 35 awr y mis x £12.73 = £445.55	445.55 = Llai treth £89.20 = <u>£356.35</u>	<u>356.35</u>	<u>356.35</u>
Cyllid a Thollau EM Treth ar enillion y Clerc Mai 2023	446.00 x 20% = <u>£89.20</u>	<u>89.20</u>	<u>89.20</u>
Costau swyddfa'r Clerc Mai 2023	£26.00	<u>26.00</u>	<u>26.00</u>

Bydd angen penderfynu os mai ar y nos Iau **06.07.2023** fydd y cyfarfod nesaf, yn Neuadd Llanystumdwy.

It is possible to get an English translation of any minute, please contact the Clerk.